


·史料笔记丛书·



(清)潘永因 编

刘阜英 点校

书目文献出版社

87  
K244.6  
10

# 宋碑类钞

(上册)

(清) 潘永因 编

刘卓英 点校

书目文献出版社



B

31464

**宋稗类钞（上下册）**

（清）潘永因 编

刘卓英 点校

书目文献出版社

（北京文津街七号）

秦皇岛市第二印刷厂排版

河北涿县辛庄印刷厂印刷

新华书店北京发行所发行 各地新华书店经售

787×1092毫米 32开本 25印张 534千字

1985年12月北京第1版 1985年12月北京第1次印刷

印数 1—16,300册

统一书号：10201·41 定价：4.20元

87  
K244.6  
10  
33

# 宋碑类钞

(下册)

(清) 潘永因 编

刘卓英 点校

书目文献出版社



B 314635

## 宋 碑 序

金沙潘子大生，前年有《读史津逮》之刻，余既僭为之序矣。一日者，其弟长吉手一编，示予曰：“此予所辑有宋一代人物掌故，名为《宋碑》者也。”予受而读之，大约探未见之书，聚可喜之事。事以类分，类复年次。大者，干城名教；精者，裨益身心；微者、浅者，亦可以增扩见闻，资助喧喙，诚有令人爱玩而忘倦者。《宋史》庸秽芜冗，极为不堪，有明巨公，如归震川、汤临川诸先生，皆有志更定而未见成书。学者憾焉。今得长吉此编，如饥年嘉谷，属厌饱满。学者亦何幸乎！予因语长吉：“礼义悦心，刍豢悦口，生人之所同然，而君秘之枕中，犹香积天厨之富，而一人独饫之也。仁者顾如是耶？”长吉曰：“公之同好，吾志也。子其为我一言识之。”抑予闻大生更有《明碑》一书。诚得好事者并行之，如车之两轮、人之联璧，不更快人意哉！后之有事于宋明两代之史者，必将取材于二编也，故书以俟之。

康熙己酉，清和月上浣，湖上李渔笠翁撰。

## 凡 例

一 兹编尽采稗史。其或有正史一二间出者，以事裁稗编，故亦加采择。虽事同而文实异也。

一 事以类分。虽原本世说，然彼辞尚简。要令隽永可味，兹体欲详赡，俾本末粲然，盖代有升降，则文有损益，难以强同。故间有鸿篇大章，亦加采择，不敢妄截鹤颈，致削英华。

一 诸家所载，有一事而笔有高下，词有烦简，兹字精句比，必期于当。有一条之内，窜易四五而后定者，颇费苦心，非止照本誊录也。

一 条中间有芜句冗字，略加裁节。或前后宾主颠倒，紊乱亦为更定。至于一应波澜，点缀关键段落，不敢妄动，使文气勿属。

一 事取关维风化，裨益身心。或搜罗遗佚足补正史，或采择新奇可助谈资。远及梯航载纪，下自委巷丛谈。其有一技擅长，片言居要，凡耳目所经，俱勤加汇辑，惟恐或遗。

一 正史称谓，义例一定。兹则或以名，或以字，或以官爵、地溢，俱本原文，取其错综互见。凡正人君子，虽称名，益光、蔡京、秦桧辈，即加以鲁公、太师之目，实益难副。

一 或一事之美恶，前后同符，其系师承与夫暗合，俱不可知。兹必汇集一处，以便后人上下定论，非止易于观览。

一 诗词之类若止采名篇佳什，与撰诗、选词何异？兹必因事附出，方加采录。

一 或事可入此兼可入彼，必斟定所重以从焉，非漫无  
主见任其两岐。惟有一则之中，前事既以类从，后或间有缀  
以他事，不复过为分截，贻割裂之讥也。

一 事有足采，而本文冗长，颇费裁剪；或已经后人演为  
小说，撰为传奇；凡茶坊酒肆，贩夫牧竖俱已习见、习闻，  
不复混入，以繁笔墨。间有一二偶存，以其事可师、可法，  
有裨名教，不忍弃置也。

一 事有非关赵宋，而前后相符，或足备参考，亦间存  
之，附于每条之下。以往证今，粲然可观。

一 宋室以理学擅长，然程型朱范，止堪羽翼经传，不  
关稗乘风流，故勿混入。

一 兵燹之后，藏书荡然，多方购获得一善本，如饥获太  
牢。虽隆冬不惮呵冻，盛暑不辞挥箇，勤事编次。所列采用  
书目，尚有十之二三止据节文，未睹全本。若尽发二酉之  
藏，以供三余之用，当更有可观。兹不无遗憾云。

一 述而不作，奏功似易然。考较群籍，含英咀华，醇  
疵可否，斟酌去取，五载于兹。稿经数脱，方始成编，亦云  
难矣。

一 类中复叙时代，但约略先后，为之编次，庶几有条  
不紊。若责以分毫无爽，则有编年之书在。

一 兹编告成，旋有《明稗》之役。凡庚申君末政有与开创  
相启动者，俱列于《明稗》前。中分元事于宋明前后，似为得体。

再欲就所采之书，各自为条，又不便参互错综，以便讨  
论，因遵刘氏《世说》、何氏《语林》例，事以类分，时以  
代次。凡为类六十，约五倍于惠生先生所钞。盖踵事而增

华，非入室而操戈也。编次既定，藏之箧笥。会周北川谒选天官，一见此书，把玩弗释。私与子静李子谋寿枣梨。日夕校仇，前此鲁鱼亥豕，其为切劘也多矣。戊申北川出宰澄江，遂毕业焉。嗟夫！《宋史》芜秽，存而若亡。兹卷既出，奋笔著作者，睹鸿文以备采择；留心稽古者，征轶事而广见闻。为宋朝正史前驱，不亦可乎！己酉孟夏书，云氏又识。

# 宋稗类钞目录

(上册)

## 卷之一

君范	( 1 )
符命	( 16 )
吏治	( 39 )
武备	( 52 )
遭际	( 65 )
异数	( 74 )
诛谪	( 85 )

## 卷之二

谗险	( 96 )
谄媚	( 106 )
科名	( 117 )
隐逸	( 132 )
躁竞	( 145 )
奢汰	( 150 )
叛逆	( 172 )

## 卷之三

厚德	( 179 )
雅量	( 196 )
鉴识	( 203 )
才干	( 225 )

品行	( 233 )
忠义	( 241 )
贞烈	( 264 )

#### 卷之四

家范	( 273 )
志尚	( 280 )
豪旷	( 296 )
放诞	( 303 )
权谲	( 310 )
颐养	( 329 )
闲情	( 339 )
异稟	( 361 )

## 宋稗类钞目录

(下册)

#### 卷之五

文苑	( 369 )
博识	( 386 )
诗话	( 402 )
词品	( 428 )
俪语	( 443 )
辞命	( 452 )
尚论	( 464 )
格言	( 474 )

## 卷之六

箴规	( 485 )
称誉	( 495 )
诋毁	( 505 )
诙谐	( 528 )
纰缪	( 565 )
尤悔	( 580 )
伤逝	( 589 )

## 卷之七

宗乘	( 593 )
道教	( 609 )
报应	( 617 )
神鬼	( 630 )
怪异	( 644 )
方技	( 657 )
工艺	( 674 )
音乐	( 679 )
饮食	( 682 )

## 卷之八

古玩	( 693 )
八法	( 720 )
丹青	( 735 )
草木	( 752 )
鸟兽	( 761 )
搜遗	( 776 )

# 宋碑类钞卷之一

## 君 范

尧阶舜践，禹级汤升；众星环极，一火传灯；改频步玉，  
矩只高曾；骄君冶跃，中主武绳；政之淑慝，国以废兴，集  
君范。

艺祖受命之三年，密镌一碑，立于太庙寝殿之夹室，谓之誓碑。用销金黄幔蔽之，门钥封闭甚严。因敕有司，自后时享。及新天子即位，谒庙礼毕，奏请恭读誓词。独一小黄门不识字者一人从，余皆远立庭中，不敢仰视。上至碑前再拜，跪瞻默诵讫，复再拜而出。群臣及近侍，皆不知所誓何事。自后列圣相承，皆踵故事。岁时伏谒，恭读如仪，不敢泄漏。靖康之变，悉取礼乐祭祀诸法物而去。门皆洞开，人得纵观。碑止高七八尺，阔四尺余。誓词三行：一云柴氏子孙有罪，不得加刑；纵犯谋逆，止于狱中赐尽，不得市曹刑戮，亦不得连坐支属；一云不得杀士大夫，及上书言事人；一云子孙有渝此誓者，天必殛之。后建炎中，曹勋自金回，太上寄语：“祖宗誓碑在太庙，恐今天子不及知云。”

艺祖御笔：“用南人为相，杀谏官，非吾子孙。”刻石东京内中。虽人才之出无定处，其后王荆公变法，吕惠卿为谋主，章惇、蔡京、蔡卞继之，卒致大乱。圣言诚如日矣。一云：太祖亲写“南人不得坐吾此堂”，刻石政事堂上。自王文穆大拜后，吏辈故坏壁，因移石他处，后寝不知所在。既而王安石、章惇相继用事，为人窃去云。

## 二

太祖得天下，破上党，取李筠，征维扬，诛李重进，皆一举荡灭。知兵力可用，僭伪可平矣。尝语太宗曰：“中国自五代以来，兵连祸结，帑廩虚竭，必先取西川，次及荆广江南，则国用富饶矣。今之勍敌，正在契丹。自开运以后，益轻中国。河东正扼两蕃，若遽取河东，便与两蕃接境。莫若且存继元为我屏翰，俟我完实，取之未晚。”故太祖末年始征河东。太宗即位即举平晋也。庙算如此，正如高棋布子，著著争先。

\*

钱俶初入朝，既而赐归国。群臣多请留俶，而使之献地。太祖曰：“吾方征江南，俾俶归治兵以攻其后，则吾之兵力可减半。江南若下，俶敢不归乎？”既而皆如所处。

## 三

三徐名著江左，皆以博洽闻，而骑省铉又其岳岳者也。

会修述职之贡，骑省实来，及境，例差官押伴，朝臣皆以辞令不及为惮。宰相亦难其选，请于艺祖。曰：“姑退朝，朕自择之。”有顷，左珰传宣殿前司，具殿侍中不识字者十人，以名入。宸笔点其中一人曰：“此人可。”在廷皆惊。中书不敢请，趋使行。殿侍者茫不知所由，弗获已竟往，渡江始燕。骑省词锋如云，旁观骇愕。其人不能答，徒唯唯。骑省叵测，垢而与之言。居数日，既无相酬者，骑省亦倦且默矣。其亦不战而屈人兵之上策欤！（三徐：卫尉卿延休、骑省铉、内史锴。）

\*

承平时，国家与辽欢盟，文禁甚宽。辂客者往来，率以谈谑诗文相娱乐。元祐间，东坡实膺是选。辽使素闻其名，思以奇困之。其国有一对曰：“三光日月星”。凡以数言者，必犯其上一字，于是遍国中无能属者。有以请于坡，坡唯唯，谓其介曰：“我能而君不能，亦非所以全大国之体。‘四诗风雅颂’，天生对也，盍先以此复之。”介如言，方共叹愕。坡徐曰：“某亦有一对，曰：‘四德元亨利’”。使雎盱欲起辩，坡曰：“而谓我忘其一耶？谨阙而言，两朝兄弟邦。卿为外臣。此固仁宗之庙讳。”使臣出意外，大骇服。既又有所谈，辄为坡逆夺。使自愧弗如，及白沟往返，齦舌不敢复言矣。

#### 四

太祖初命曹武惠彬讨江南，潘美副之。将行，赐宴于讲武殿。酒三行，彬等起跪于榻前，乞面授处分。上怀中出一实封文字付彬曰：“处分在其间。自潘美以下有罪，但开此

竟斩之，不必奏稟。”二臣股栗而退。迄江南平，无一犯律者。比还，复赐宴讲武殿。酒再行，二臣起跪于榻前，奏：“臣等幸无败事，昨面授文字，不敢藏诸家，即纳于上前。”上徐自发封示之，乃白纸一张也。上神武机权如此。初特以是申军令耳。使果犯，而发封见为空纸，则必入复请，亦不至于专谬矣。

## 五

太祖天性不好杀。其取江南也，戒曹秦王、潘郑王曰：“江南本无罪，但朕欲大一统，容他不得。卿等勿妄杀人。”曹潘兵临城久不下，乃奏曰：“兵久无功，不杀无以立威。”太祖览之赫怒，批还其奏曰：“朕宁不得江南，不可妄杀。”诏至，城已破。计城破日，乃批状时。天人相感如此。

## 六

唐李淳风作《推背图》。五季之乱，王侯崛起。人有幸心，故其学益炽。开口张弓之谶，吴越至以遍名其子，而不知兆昭武基命之烈也。宋兴受命之符，尤为著明。艺祖即位，始诏禁谶书，惧其惑民志以繁刑辟。然图传已数百年，民间多有藏本，不可复收拾。有司患之。一日赵韩王以开封具狱奏，因言犯者至众，不可胜诛。上曰：“不必多禁，正当混之耳。”乃命取旧本，自己验之外，皆紊其次而杂书之。凡为百本，使与存者并行。于是传者懵其先后，莫知其孰讹。间有存者，不复验，亦弃弗藏矣。

## 七

开宝戊辰，艺祖初修汴京，大其城，址曲而宛如蚓屈焉。耆老相传，谓赵中令鸠工奏图，初取方直，四面皆有门。坊市经纬，其间井井绳列。上览而怒，自取笔涂之，命以幅纸作大圈，纡曲纵斜。旁注曰：“依此修筑”。时人咸罔测，多病其不宜于观美。熙宁乙卯，神宗在位，思欲改作。鉴苑中牧豚，及内作坊之事，卒不敢更，第增陴而已。及政和间，蔡京擅国，亟奏广其规，以便宫室苑囿之奉。命宦侍董其役。凡周旋数十里，一撤而方之如矩。墉堞楼橹，虽甚藻饰，而荡然无曩时之坚朴矣。一时张皇，侈其功赏。靖康金人南侵，粘罕斡离不扬鞭城下，有得色曰：“是易攻”。下令植炮四隅，随方而击之。城既引直，一炮所望，一壁皆不可立，竟以此失守。沉儿远睹，至是始验。

## 八

开宝初，车驾亲征伪汉，引汾水灌太原城。时盛夏，艺祖露臂跣足，亦不裹头，手持刀坐黄盖下，督兵吏运土筑堤，以堰汾河。城上望见，矢石雨坌不避也。水浸城者，仅余数版，且乘舟载炬，焚其樵门。几陷，会班师焉。其后辽有使于伪汉者，见水退而城始大圮，乃笑曰：“南朝但知壅水灌城之利，更不知灌而决之，则无太原矣。”

## 九

王审琦微时，与太祖相善。后以佐命功，尤为亲近。性不能饮，太祖每燕近臣，常尽欢，而审琦但持空杯，太祖意

不愜。一日酒酣，举杯祝曰：“审琦布衣之旧，方共享富贵。酒者天之美禄，惜不令饮之。”祝毕，顾审琦曰：“天必赐汝酒量，可试饮。”审琦受诏，不得已，辄连引满，尽酙无苦。自是每侍燕辄饮，可与众辈。退还私第则如故。

## 十

太宗始嗣位，思有以帖服中外者。一日辇下市肆有丐者不得乞，因倚门大骂。主人逊谢，久不得解。众方拥门聚观，中忽一人跃出，以刀刺丐者死，遗其刀而去。会日已暮，追捕莫获。翌日奏闻，太宗大怒，谓犹仍五季乱习，乃敢中都白昼杀人。即严索捕，期必得。有司惧罪，久之，迹其事，乃主人不胜其愤而杀之耳。狱具，太宗喜曰：“卿能用心若是，虽然，第为朕更一覆，毋枉焉，且携其刀来。”不数日，尹再登对，以狱词并刀上。太宗问：“审乎？”曰：“审矣。”于是顾旁小内侍：“取吾鞘来。”小内侍惟命，即奉刀内鞘中。因拂袖而起入曰：“如此宁不妄杀人？”

## 十一

太平兴国中，诸降王薨。其群臣或宣怨言。太宗尽收置之馆阁，使修群书，如《册府元龟》、《文苑英华》、《太平御览》、《广记》之类。卷帙既浩博，并丰其廪膳赠给，以役其心。后多老死于文字之间云。

## 十二

学士院玉堂，太宗曾亲幸其所。至今惟学士上日许正坐，他日皆不敢独坐，故事堂中设视草台。每草制，则具衣冠据